

prædicationis Euangelicæ vno fædere iuncti, ob eam causam comprehensi, in fidei confessione constantissimi, ab Arabibus necati sunt. Mediolani, Sancti Miroclis Episcopi: de quo infra pridie calendarum Decembris. In finibus Tridentinorum, Sanctæ Maxentiæ viduæ. Hæc beati Vigiliæ Episcopi mater, singulari pietate, & religione ita præluxit, vt miraculis compluribus eius sanctitatis laudem Deus testatam fieri voluerit. Nouariæ, Sancti Laurentii præbyteri. Londoni in Anglia, Sancti Erconualdi Episcopi, & cōfessoris: qui ex Deo, toto animo totaque cogitatione pendens, dum in terris esset, cœlestium rerum contemplationi magnopere deditus, populo sibi commisso, ad sempiternā patriam uerbis & exemplis iter comministravit: multarumque virtutum splendore clarus, abiit ad Dominum.

MAIUS.

Calendis Maij. Luna.

B.xi.

11 22 3 14 25 6 17 27 9 20 1 12 23 4 15 26 7 18 28
 A b c d e f g h i k l m n o p q r s t

Sanctorum Apostolorum, **Philippi, & Iacobi.** E quibus Philippus, Bethsaidæ natus, vnus e duodecim Apostolis, accepto spiritu sancto, cum Scythia ad prædicandum Euangelium ei obtigisset, omni fere illa gente ad CHRISTI fidem conuersa, inde, peragratas Asiæ urbibus, postremo in Phrygiam, Hierapolim profectus, ibi pro CHRISTI nomine cruci affixus, lapidibusque obrutus, migravit ad Dominū. Eius corpus, a Christianis sepultum, post, Romā delatum est ad Basilicam duodecim Apostolorum. Iacobus autem, frater Domini, Hierosolymæ Episcopus, CHRISTVM, Dei filium constantissime prædicans, lapidibus primo appetitur; mox in altissimum templum perductus, inde præceps deiectus est: cōfractisque cruribus, iacens semiuiuus orabat: qua in oratione, capite fulonis fuste percusso, animam Deo reddidit. Hoc ipso die, Hieremiæ Prophetæ. In Gallia, apud Viuarienses, Sancti Andeoli diaconi: qui ab Sancto Polycarpo prædicationis causa eo missus, Seueri Cæsaris iussu,

iuffu, spinofis fustibus verberatus, tum in vincula trufus, ligno in ca-
 pite percuffus, martyrii curfum confecit. Seduni, Sancti Sigifm-
 di Regis, & martyris. Hic, Francorum impetum fugiens, coma depo-
 fita, religionis habitum fufcepit: orationi autem, ieiuniis ac vigiliis
 affidue deditus, ab illis captus, in puteum demergitur. Eius corpus,
 Dei admonitu, Abbati Sancti Mauriti patefactum, ab eodemque
 religiofe fepultum, miraculorum splendore elucefcens, illius sancti
 ratem ita mirifice diuina voluntate, declararam, in populo fidei di-
 lucide oftendit. Antifiodori, Sancti Amatoris Epifcopi, & confeflo-
 ris: cuius res pie, mirabiliter diuinitusque actæ leguntur. Aufcii
 Sancti Orientii Epifcopi: qui religione, cæleftique virtute imbu-
 tus, atque omni fincera diuini cultus fanctitate clarus, dormiuit
 in Domino. Rhemis, Sancti Theodulphi presbyteri, & confef-
 foris. In Britannia, Sancti Vltanis confefloris: cuius plurima in ec-
 clefia extant præclara fanctitatis monimenta. Cantuariæ in eccleſia
 Sancti Saluatoris; beatorum multorum martyrum: qui a fidei ad-
 uerfariis pro CHRISTI gloria necati funt. Ambiani, beatorum
 martyrum, Acii, & Acioli: qui religiofis splendescunt miraculis.
 In finibus Tungrenſium, Sancti Euermari martyris: cuius transla-
 tionem, ab Heraclio Epifcopo Leodiensî celebraram, Deus complu-
 ribus poſt miraculis maxime illuſtrem eſſe voluit. In Germania, San-
 ctæ Vuarburgiæ virginis. Bergomi in Gallia Cifalpina, Tranſlatio
 Sanctæ Gratiæ virginis.

E.

Sexto nonas Maij. Luna.

12 23 4 15 26 7 18 28 10 21 2 13 24 5 16 27 8 19 29
 A b c d e f g h i k l m n o p q r s t

2 **S**ANCTI Athanaſii Epifcopi, & confefloris. Is Catholicæ religio-
 nis propugnator acerrimus, ab Arianis inſenſe oppugnatus,
 falſi criminis accuſatus, & in exilium pulſus, e tot, ac tantis pericu-
 lis diuina ope, mirabiliter ereptus, Alexandria demum, magnis
 exantlatis pro fide laboribus, quieuit in Domino, Valente Impera-
 tore.

tore. Eius & vita, & mors multis nobilitata miraculis, vna Gregorii Nazianzeni laudatione egregie concelebratur. Romæ, Sanctorum martyrum, Saturnini, Neopoli, Germani, & Cælestini: qui pro CHRISTO Domino in carcerem coniecti, ibi obdormierunt. In Græcia, Sanctorum martyrum, Esperii, Zoæ, coniugis, ac liberorum eius, Cyriaci, & Theoduli. Ii, Adriano Imperatore, fortissimi victores, coronantur. In Corsica, Sanctorum, Florentii, Vindemialis, Episcoporum: qui ex Africa ad eam insulam cum transmiserint, ibi miraculorum laude clari, quieverunt in Domino; inde post Taruisium a Titiano Episcopo translati, in basilica cathedrali pie coluntur. Eodem die, Sancti Vualberti Abbatis: qui beati Columbani discipulus, illius diuinarum virtutum imitatione nobilis, declarata miraculis eius sanctitate, obiit in Domino. Apud Andegauenses, Sancti Florentii Episcopi, & confessoris. Florentiæ, Sancti Antonini Archiepiscopi, & confessoris. Hic postquam in ordine prædicatorum, quem a prima iuuentute professus est, sanctissime vixisset, ad Archiepiscopatus dignitatem assumptus vigilantia, sollicitudine, prudentia, mæfuetudine, iustitia, religione, doctrina, omnique episcopali virtute, & pastoralis officii exemplis prælucens, spectata etiam multis in rebus, quas mirabiliter diuineque, gessit, sanctimonia, ab Adriano sexto, Pontifice Maximo, in sanctos relatus est.

Quinto nonas Maij. Luna.

D.
XIX.

13 24 5 16 27 8 19 29 11 22 3 14 25 6 17 28 9 20 1
A b c d e f g h i K l m n o p q r s t

Inuentio sacrosacræ Crucis Domini, quæ ab Helena, Constantini matre, Hierosolymæ reperta est, loco, vbi marmorea Veneris statua a gentibus collocata erat, ad tollendam CHRISTI Domini passionis memoriam. Huius inuentionis solemnis celebritas ab Eusebio, Pontifice Maximo, instituta est. Romæ
via

via Numentana, Sancti Alexandri Pontificis, Euentii presbyteri, Theodori, & Iuuenalis diaconorum, martyrum. fuit Alexander, Alexandri filius, ciuis Romanns, de vico Capite Tauri, ætate, cum pontificatum inuit, iuuenis; at moribus, & religione, sacraque eruditione grauis: qui magnam Senatus partem CHRISTO Domino, & agendo, & docendo adiunxit. Hermem, vrbis præfectum, coniugem, liberos, vniuersamque familiam eius baptizauit; Clerum a iudicio sæculari liberum, atque immunem esse, pontificia sanctione primus cõstituit; aquam aspersionis cum sale benedici decreuit. Missæ sacrificio preces aliquot adiunxit; alia præterea pro Dei gloria, ecclesiæque amplitudine statuit: ad quam omni sacrosancta auctoritate attentus, in tantis impietatis tenebris, omni conatu studuit Euangelii lucem diffundi. quam ob causam primum, Traiano Imperatore comprehensus, post vinculis & equuleo cruciatus, tum ferreis dilaniatus vngulis, demum crebris carnificum ictibus membratim, ac punctim cæsus, præclaris datis & CHRISTO, & Euangelio testimoniis, pro multiplici, egregioque certamine coronatur. Illi item tres, Euëtius Sanctæ Romanæ Ecclesiæ Presbyter, & Theodorus, ac Iuuenalis, diaconi, diu in carcere, & situ, pedoreq; & ignis cruciamento male affecti, denique gladio percussi, pietatis officiis, & confessionibus fidei in CHRISTVM nobiles, corona donantur. In Gracia, sanctorum martyrum, Rhodopiani diaconi, & Diodori: qui, Diocletiano Imperatore, ob CHRISTI religionem, qua imbuti erant, a ciuibus suis graues, contumeliososq; cruciatus perpassi demum lapidibus obruti, ad præmium abeunt in cœlum. Hoc ipso die, sanctorum martyrum, Antoninæ virginis, & Alexandri militis. Narniæ, Sancti Iuuenalis Episcopi, & confessoris: in cuius vita Christianæ virtutes admirabili sanctitatis splendore, eluxerunt.

E.

viii.

Quartnonas Maij. Luna.

14 25 6 17 28 9 20 1 12 23 4 15 26 7 18 29 10 21 2
 A b c d e f g h i k l m n o p q r s t

4 **S**anctæ Monicæ. Hæc, beati Augustini Episcopi mater, in orationibus, ieiuniis, vigiliis, lacrymis, vitæ rationem secuta, omnique pietatis

pietatis officio perfuncta, quo filium ad catholicæ religionis lucem
 reuocaret, de nique, admiranda sanctitate nobilis, cælestem in patriam
 abiit. Gazæ in Palæstina, Sancti Siluani Episcopi, & martyris. Hic a
 primo fere die persecutionis, ad extremum usque, per totum tem-
 poris spacium, variis certaminibus, pro crebra fidei confessione de-
 cursis, nobilitatus, ad illum temporis articulum reseruatus est,
 vt omnia certamina fidelium, qui in Palæstina martyrium obierunt,
 postremus, quasi sigillo cruoris obsignaret. Eodem die sanctorum
 vndequatraginta martyrum: qui multis variisque susceptis pro re-
 ligione certaminibus, demum, nefarii Maximini mandato præ-
 cis ceruicibus, pro victoria diuinum præmium tulerunt. Sancti
 item Ioannis martyris. Is, & si oculis captus, ac pedibus ægre
 affectus, tamen propter egregiam in CHRISTI nomine confi-
 tendo constantiam, qua mirifice exellebat, hoc ab immani tor-
 torum barbarie passus est; vt tum illius oculi pupilla, quæ uiden-
 di uim amiserat, candenti ferro exureretur, tum pes ignitis cau-
 teriis labefactaretur. Denique cursu certaminis confecto, pal-
 mam accepit. In Phenneso, beatorum quadraginta martyrum: qui
 Diocletiano Imperatore, ad metalla eo amandati, cæleste CHRIS-
 TI regnum in omni cruciату palam professi, demum gladio per-
 cussi, abeunt ad Dominum. Tarfi, Sanctæ Pelagiæ virginis, &
 martyris. Hæc, fama religionis Christianæ peruulgata, illius
 colendæ desiderio accensa, a Clinone Episcopo fidei initiis institu-
 ta, baptizatur. quare ab impia matre ad Diocletianum Cæsarem
 perducitur; cuius repudiatis nuptiis, spretoque idolorum cultu,
 in fidei confessione diuinam Christianæ virtutis magnitudinem
 ostendens, in taurum æreum, vehementi supposito igne, accensum,
 includitur: quo in cruciату, precibus attentissime ad Deum fufis,
 ad duplicem & virginitatis, & martyrii palmam commigravit in
 cælum. Nicomediæ, Sanctæ Antoniæ martyris: quæ variis torta
 cruciamentis, deinde brachio uno tribus ipsis diebus suspensa,
 post biennio in tenebricofo carcere inclusa, postremo in summa
 fidei confessione comburitur. In Norico, apud Lauriacum, San-
 cti Floriani martyris. Hic, Diocletiano, & Maximiano Imperato-
 ribus, cum fideles conquiri audisset, ad illud oppidum venit, seq;
 Christia-

Christianum esse, vltro professus, Aquilini præfecti iussu, ad falsorum Deorum cultum adigitur. a quo facinore ualde abhorrens, primo fustibus, iterum atque iterum cæsus, a fidei proposito dimoueri nullo modo potest. post in scapulis ferro acuto vsque adeo grauius verberatus, vt vulneribus, & vibicibus totus cruore perfusus esset, hoc tormentum animo gaudenti pertulit. itaque, demum, saxo ad collum appenso, in fluuium Anesum præceps deiectus, superata aduersarii nequitia, pro pietatis defensione coronatur. Hierosolymæ, Sancti Cyriaci Episcopi, Annæ matris, & Ammonii, martyrum. Ille Episcopus, scelestissimi Iuliani Cæsaris mandato, ad immolationem impulsus, id admittere cum constantissime recusasset; primum præcisa manu, deinde plumbo liquefacto in os infuso, spectatores admirabili tollerantia obstupescit; post, in lecto ferreo, candentibus carbonibus strato, collocatus, in faciem cubans, sale & adipe aspersus, a tergo virgis cæsus, cum constantior esset, in carcerem truditur. quo loco quia illum ad martyrii cursum conficiendum Anna mater confirmarat, ignitis laminis, ad latera admotis, semiustulata, demum capillis suspensa, iugulatur. beatus uero Cyriacus in foueam altissimam, venenatis serpentibus plenam, demersus, inde, illis extinctis, diuinitus eripitur. cuius rei admirabilitate perspecta, Ammonius ueneficus, CHRISTI fidem amplexus gladio percutitur. Martyr autem Cyriacus postremo in lebetem, feruenti oleo refertum, iniectus, trasuerberato pectore, animam Deo reddidit. Antifiodori, beatorum martyrum, Curcodomi diaconi, Antonii, Cælestini, & aliorum. Colonia, Sancti Paulini martyris: cui malleo ferreo caput contusum est. Mediolani, Sancti Venerii Episcopi. Hic, nouem annis ecclesiæ, sibi commissæ, cum bene præfuisset: Sanctitatis gloria illustris, abiit ad Dominum. Eius uirtutes, æterna gloria dignæ, beati Chrysostomi epistola græca celebratæ sunt. In Germania, Sancti Gothardi Episcopi, & confessoris. Hic piis uitæ institutis, & doctrina facile præstantissimus, Episcopus Hildeshemensis factus, munus episcopale, quod inuitus suscepit, magna cum laude quatuordecim annis religiose gessit. Morum autem castitate, sapientia, ac multiplicis uirtute clarus, sacris ædibus, monasteriis, & xenodochiis exædificatis, censuque auctis, atque exornatis, tum aliis pie ge-

stis re-

stis rebus, quieuit in Domino. Cuius sanctitate dignitas miraculis declarata, Innocentius Secundus, Pontifex Maximus, cum in sanctorum numerum retulit.

Tertiononias Maij Luna.

F

15 26 7 18 29 10 21 2 13 24 5 16 27 8 19 30 11 22 3
A b c d e f g h i k l m n o p q r f t

Thessalonicæ in Macedonia, beatorum martyrum, Irenæi, Peregrini, & Hirenæ virginis: qui, Diocletiano Imperatore, cœlesti 5
CHRISTI regnum primo voce palam confessi, demum in igne positi, præclaro certamine cōprobarunt. Alexandria in Aegypto, Sancti Euthymii diaconi. Hic, in eadē Diocletiana p̄secutione, pro CHRISTO in carcerē detrusus, ibi situ, inedia, & custodiæ grauitate confectus, ad fidei confessionē vehementius confirmatus, animā Deo reddidit. Antisiodori, Sacti Iouiani Lectoris, & martyris: qui a beato Xysto Pontifice, ad eā urbē vna cū Sancto Peregrino Episcopo missus, vir eloquentia & rerū diuinarū scientia eximius, dū gentium, a fidei sacris alienarū, superstitiones forti animo oppugnat, ab illis cōprehensus, in CHRISTI confessione constans, necatur. Ephesi, Sanctæ Hirenæ martyris: quæ Licinii Regis filia, CHRISTI fidē mirabiliter amplexa, cœlesti præsidio, diuinoq; robore communita, inauditis suppliciis exhaustis, & multis præ rerum, quæ in eius martyrio diuinitus extiterunt, admirabilitate ad CHRISTI religionem cōuersis, demum ad coronam abiit in cælum. Mediolani, Conuersio Sancti Augustini, Episcopi, & confessoris: quem, a fide catholica auersum, beatus Ambrosius priuatis colloquiis fidei ueritatē docuit, assidueque illius hortatu, religionis studio accensum, frequentissimo populi cœtu, hoc ipso die baptizauit. Mediolani item, Sancti Geruntii Episcopi, & confessoris: qui, pie administrata sex annis Ecclesia Mediolanensi, episcopalium virtutum meritis ornatus, sanctitatisque laude strens, quieuit in Domino. Arelati in Gallia, Sancti Hilarii Episcopi, & confessoris; laborum tolerantia, officio in pauperes, & doctrinarum sacrarum scientia illustris. Rothomagi,

thomagi, Sancti Audoeni Episcopi, & confessoris. Hic ex cultus diuini ornamentis, & meritis cumulat, concilio Cabilonenfi curio interfuisset, obdormiuit in Domino. Viennæ, Sancti Nicetii Episcopi, admiranda religione uiri. In Sicilia, ad Leochatam oppidum, Sancti Angeli presbyteri, & martyris: qui e Carmelo monte prædicationis causa, diuino admonitu, eo protectus, multis ad uitæ bene agendæ, studium, ab peccandi consuetudine reuocatis, spectata morum sanctimonia, ab hæreticis contrucidatur. Eodem die, Sancti Maurontii Abbatis, & confessoris: cuius sanctitatem testatissimam Deus esse uoluit mirificis curationibus, quæ ad eius sepulcrum diuinitus fiunt.

G.
xvi.

Prædie nonas Maij. Luna.

16 27 8 19 30 11 22 3 14 25 6 17 28 9 20 1 12 23 4
A b c d e f g h i k l m n o p q r s t

- 6 **R**omæ ad portam latinam Sancti Ioannis Apostoli, & Euangelistæ. fuit is & Apostolus, & Euangelista, & Propheta. scripsit enim ad ecclesias, ut Apostolus; librum Euangelii condidit, a quo Euangelistæ nomen accepit; Propheta item, quia uidit in Pathmo insula, quo fuerat à Domitiano in exilium pulsus, Apocalypsim, infinita futurorum mysteria cõtinentem. Romæ autem missus in feruentis olei dolium, purior & uegetior inde exiit, quàm intrauit. Cyrenæ, Sancti Lucii Episcopi, cuius in actis Apostolorum mentio est. is ab Apostolis Cyrenensium Episcopus creatus, prædicationis munere præclare perfunctus, doctrinæ, & sanctitatis laude clarus obdormiuit in Domino. Antiochiæ, Sancti Euodii Episcopi, & martyris: qui à beato Petro Apostolorum Principe, illius urbis Episcopus factus, cum rerum sacrarum comentarios, tum epistolam, quæ a lumine nomen accepit, præclare conscripsit: administrata autem viginti & duobus annis ecclesia Antiochena, cælesti CHRISTI regnum cum palam uocibus, tum rebus diuine gestis, ac martyrio prædicauit. In Africa beatorum martyrum, Heliodori, Venusti, & septuaginta quinque aliorum. Antifiodori in Gallia,

Gallia, Sanctorum, Felicis, & Valerii, martyrum. Lindisfarni in Anglia, Sancti Eadberti Episcopi, & confessoris: qui diuinarum litterarum doctrina, pia eleemosinarum liberalitate eximius, præceptorum Euangelicorum cursu confecto, meritis cumulatus, ad præmium abiit in cœlum.

Nonis Maij.

Luna.

A. v.

17 28 9 20 1 12 13 4 15 26 7 18 29 10 21 2 13 24 5
 A b c d e f g h i k l m n o p q r f t

Romæ, Translatio Sancti Stephani protomartyris: quæ eo ex 7
 vrbe Constantinopoli ad sepulcrum beati Laurëtii martyris, Pelagio, Pontifice Maximo, facta est. Romæ item, Sancti Benedicti Pontificis. Hic ciuis Romanus, Ioannis filius, Sanctæ Romanæ ecclesiæ presbyter Cardinalis, religione, & doctrina florentissimus, in Leonis secundi locum Pontifex renunciatus, totus in eo fuit, ut basilicas exædificaret, instauraret, & consecraret. Fama diuinarum illius uirtutum peruulgata, hoc a Constantino Cæsare, qui eo nomine quartus fuit, impetrat, ut nullius expectato assensu, quem clerus Romanus elegerat, is mox Pontifex & esset, & haberetur. Pontificatu autem decem mensibus optime administrato, iam inde a pueritia præclaris perpetuæ sanctimonix officiis nobilitatus, quieuit in Domino. Tarracinæ in Campania, Sanctæ Flauix Domicillæ martyris. Hæc, filia sororis Flauii Clementis, a beato Clemente Pontifice, in religionem Deo dicata, Domitiano Cæsare, fidei hoste, una cum plerisque aliis, supplicii causa in Pontiam insulam extrusa, rerum, quas diuine gessit, admirabilitate, & doctrina, permultos a falforum Deorum cultu ad ueram religionem perduxit. Quo factum est, ut ipsa cum duabus aliis uirginibus, Euphrosyna, & Theodora, in unum cubiculum inclusa, ex Luxorii iudicis decreto, cõbureretur, inflammato eo ipso cubiculo, in quo conclusa erat. In Græcia, Sancti Cachii martyris: qui in Cappadocia natus, Maximiano Imperatore, ad Firmum præfectum ductus, quæstione religionis
 N instituta,

instituta, se Christianum esse libere confessus ; ab eo grauiter tor-
 tus, ad Viuiantum alterum præsidem mittitur: a quo Bizantium cum
 aliis amandatus, ibi in custodiam traditus, tum uarie acerbè que cru-
 ciatus, demum Philacilliani præfecti mandato, securi percussus, co-
 ronatur. Eodem die, Sancti martyris, Maximi : qui CHRISTI fi-
 dem palam prædicans, cum permultos ab commentitiis diis ad ve-
 ram pietatem auocasset, uariis affectus supplicii, quæ constanti cõ-
 fessione superauit, demum lapidibus obrutus, per martirium abiit
 ad cœlum. Nicomediæ, beati Codrati martyris. Hic, in persecutio-
 ne Deciana, Christianæ religionis nomine cum aliis multis com-
 prehensus, ad urbis Prætozem ductus, vsque adeò duriter illius iussu
 bubulis neruis cæditur, humi stratus, ut cruoris ui, & copia terram
 perfuderit. Deinde Nicæam perductus, iterum cruciatus torquetur:
 demum, cum ad supplicium huc atque illuc traheretur, dato ubique
 & fidei, & uirtutis Christianæ testimonio egregio, palma m. præciso
 capite, tulit. Nicomediæ præterea, beatorum martyrum, Flauii, Au-
 gusti, & Augustini, germanorum fratrum. Papiæ, Sancti Petri Epi-
 scopi, & confessoris: qui ob pietatem in exilium extrusus, tum mo-
 rum castitate, omnique episcopali uirtute, tum uirginalis uite, lau-
 de florens, obdormiuit in Domino. Cremonæ, Sancti Alberti con-
 fessoris; ad cuius sepulcrum, magna illius sanctitatis testificatione,
 miracula fiunt diuinitus. Eboraci in Anglia, Sancti Ioannis Epi-
 scopi, & confessoris; uitæ, pie actæ, & rerum mirabiliter, diuineque ge-
 starum, gloria clari. Augustoduni, Sancti Placiti Episcopi, & confes-
 soris. Huic in Belgis, Sancti Domitiani Episcopi, & confessoris, qui
 Aurelianensi Synodo quintæ interfuit: atq; ita in hac uita se gessit, ut
 permultis miraculis, ad eius sepulcrum editis, sempiternam gloriã,
 qua in cœlis fruitur, testatam fieri Deus uoluerit. Mediolani, Trans-
 latio beati Vincentii martyris: quæ a Ioanne Archiepiscopo ad San-
 cti Eustorgii basilicam facta est.

Octauo idus Maij. Luna.

B.

18 29 10 21 2 13 24 5 16 27 8 19 30 11 22 3 14 25 6
 A b c d e f g h i K l m n o p q r f t

Apparitiō Sancti Michaelis Archangeli : quæ in Apulia ad 8
 radices Gargani montis facta est, Gelasio Primo, Pontifice
 Maximo. Mediolani, Sancti Victoris martyris : qui genere Mau-
 rus, ab infantia Christianus ; Maximiani Cæsaris impulsu adduci
 nunquam potuit, ut deorum simulacra coleret: sed in fide CHRIS-
 TI Domini constans, uerberibus, & plumbo liquato uehemen-
 ter cruciatus, postremo securi percussus, palmam martyrii conse-
 cutus est: qua audita re, Maternus, illius urbis Episcopus, beati
 martyris corpus honorifice, & religiose sepeliuit. In Aegypto, bea-
 torū martyrum, Stephani, Victoris, & Belladii. Viennæ Sancti Dio-
 nyfii Episcopi, & confessoris : qui beati Irenæi Episcopi Lugdunen-
 sis æqualis, in Episcopali munere eluxit omni cœlesti uirtute. In fi-
 nibus Bisuntinorum, Sancti Petri Episcopi, & confessoris: cuius ui-
 tam morum integritate, spectataque sanctimonia insignem, Lucii,
 Pontificis Maximi, iussu, Gaufridus ad posteritatem litterarum mo-
 nimentis prodidit. In Scotia, Sancti Vuironis Episcopi, & con-
 fessoris. Hic ab ineunte ætate pietatis studiis imbutus, in omni
 uirtute mirifice progressus; nunquam rebus aduersis fractus; nec
 uero secundis elatus, uigiliis, abstinentiæ, ieiuniis, & precibus
 deditus, propositis sibi Sanctorum Patritii in primis, & Cuthber-
 ti exemplis, cœlestem in terris uitam imitatus est. Peregrinan-
 di autem pietate accensus, Romam uenit: ubi lacrymis profusis
 ad altaria Apostolorum, & ad martyrum reliquias orabat. Epi-
 scopus uero factus ita uixit, ut doctrinæ Euangelicæ prædicationi
 responderet morum religione, & sanctitate: quæ post obitum
 eius eluxit in cœlesti miraculorum uirtute. Antifiodori, Sancti
 Elladii Episcopi, & confessoris. Constantinopoli, Translatio
 Sanctorum, Andreæ Apostoli, Lucæ Euangelistæ, & Timo-
 thei, discipuli beati Pauli Apostoli: quæ translatio, Constan-

tino Imperatore, celebrata est. Taranti, Sancti Cataldi Episcopi, & confessoris.

C.
xiii.

Septimo idus Maij. Luna.

19 30 11 22 3 14 25 6 17 28 9 20 1 12 23 4 15 26 7
A b c d e f g h i k l m n o p q r s t

9 **R** Omæ, Sancti Hermetis: de quo beatus Paulus Apostolus scribit ad Romanos. Nazianzi, Sancti Gregorii Theologi. Hic in Cappadocia natus, Athenis omni scientiæ genere vna cum Basilio egregie eruditus, ad sacrarum litterarum cognitionem conuersus, tredecim annos in theologiæ studiis uersatus, doctrina, & uitæ sanctitate florens, ad munus prædicandæ Euangelicæ ueritatis uocatus, quam plurimos **I E S U C H R I S T O** Domino adiunxit. Romæ item, beatorum martyrum, Quirilli, Zenonis, & Timothei. Romæ præterea, Translatio Sancti Hieronymi presbyteri, & doctoris: quæ illuc ab oppido Bethleem ad Sanctæ Mariæ maioris basilicam facta est. Romæ etiam, Sancti Beati confessoris. In Persia, Sanctorum trecentorum, & decem martyrum. Bari in Apulia, Translatio Sancti Nicolai Episcopi: cum sacrum illius corpus e Myrea, Licie metropoli, eo delatum est: ubi elucet diuinorum miraculorum splendore.

D. ii.

Sexto idus Maij. Luna.

20 1 12 23 4 15 26 7 18 29 10 21 2 13 24 5 16 27 8
A b c d e f g h i k l m n o p q r s t

10 **R** Omæ, beatissimorum martyrum, Gordiani, & Epimachi. Fuit Gordianus iudex, ad quem, ut Ianuarius presbyter contemnaretur, a Iuliano Apostata missus est. At uero is ab illo in Christiana fide instructus, cum vxore, & quinquaginta tribus aliis ex eadem familia baptizatus est. Quare Iulianus, relegato

relegato Ianuario, Gordianum in carcerem includi, tum in fidei proposito constantem, plumbatis diu cædi; postremo capite plecti imperat. Eius corpus, canibus obiectum, a Christianis noctu sepultum est in eadem crypta: in quam reliquæ Epimachi martyris translatae erant ab Alexandria, ubi is diu pro CHRISTI gloria uinculis cōstrictus, demum combustus, martyrii coronam accepit. Romæ item, Sancti Calepodii presbyteri: qui Alexandro Imperatore, Christianæ religionis aduersario, uarie cruciatus, demum gladio percussus; per urbem raptatus, & in Tyberim proiectus, coronam pro pietatis uictoria tulit. Romæ præterea, Sancti Palmatii cōsulis, & martyris. Is multiplex pro fide certamine nobilis, una cum coniuge, & liberis, & aliis quadraginta duobus, demum securi necatus, regni CHRISTI testis, coronatur. Sancti etiam Simplicii Senatoris: qui itidem una cum vxore, filiis, & sexaginta octo familiæ suæ hominibus, spectata in omni cruciatu Christiana uirtute, & solida pietate, martyrium obiit. Sanctorum item, Felicis, & Blandæ coniugum: qui præcis pro CHRISTO ceruicibus, ad præmium euolarunt in cœlum. Romæ itidem, uia Latina, ad centum aulas, beatorum, Quarti, & Quinti, martyrum. In Græcia, Sancti Christophori martyris: de quo infra, ad sextum calendas Augusti. Panormi in Sicilia, Sanctæ Christianæ uirginis, & martyris: cuius corpus in basilica illius ciuitatis primaria pie reconditum, religiose, magno fidelium concursu, colitur. Illa, duodecim annos nata, confractis idolis, quæ Vrbanus pater colebat, primū illius iussu uerberibus grauitè cesa, in carcerem detrusa; deinde unguis excarnificata; tum currus orbitis, fumo subiecto, ex oleo ad eius nares ascendente, imposita, e patris impii cruciatu diuinitus liberata est. Post uero ad nefarii iudicis, qui in patris locum successit, uoluntatem longe acerbioribus tortæ suppliciis, quæ cœlesti uirtute superauit, demum lingua, & mammillis abscissis, corde telis transuerberato, diuinæ concertationis, quam strenue pro CHRISTO sustinuit, præmia insigniter accepit. Apud Leontinos in Sicilia item, beatorum martyrum, Alphii, Philadelphi, & Cyrini, germanorum fratrum: qui Licinio Imperatore, & Tertullo præside, uariis exantlatis tormentis, & profuso denique pro religione sanguine,

ne, coronantur. Mediolani, Translatio Sancti Nazarii martyris: cum eius corpus, recenti sanguine conspersum, tanquam si paulo ante ille martyrium obiisset, Dei monitu extra portam Romanam a beato Ambrosio inuentum, in urbem ad Apostolorum basilicam delatum est. In Græcia, Esaia Prophetæ: de quo pridie nonas Iulii. Hoc ipso die in Terra, Hus, Iob Prophetæ, uiri admiranda patientia clarissimi.

E.

Quinto idus Maij. Luna.

21 2 13 24 5 16 27 8 19 30 11 22 3 14 26 6 17 28 9.
A b c d e f g h i k l m n o p q r s t

II **R**omæ, uia Salaria, beati martyris, Anthimi præbyteri: qui uirtutibus, & prædicatione clarus, in Tyberim deiectus, inde ab Angelo mirabiliter ereptus, & in oratorium suum restitutus, postremo securi percussus, uictor migravit in cælum. Hoc item die, Sancti Euelli martyris. Is, perspecto beati Torpetis martyris supplicio, rebusque admirabilibus animaduersis, quas ille diuinitus gessit, falsis relictis Diis, CHRISTO Domino adhæsit, is scilicet, qui Neroni auctor fuit, ut Christiani homines, cruciatibus, suppliciiisque afficerentur. Tergesti, beatorum martyrum, Primi, Marci, Iasonis, & Celiani. Ii, Adriano Imperatore, Artasii, præsidis iussu, uarie torti, nece obita, palmam consecuti sunt. Viennæ, Sancti Mamerti Episcopi, & confessoris. Hic, imminente maximæ cladis, & pestis periculo, solènes triduanas Litanias instituit: miraculis & rebus aliis, sancte actis, clarus, quieuit in Domino. Varennis, Sancti Gandulphi martyris. Apud Siluiniacum, Sancti Maioli Abbatis: cuius uita in præceptorum diuinorum cursu confecta, in omni uirtute elucescit.

Quarto idus Maij. Luna.

F.

22 3 14 25 6 17 28 9 20 1 12 23 4 15 26 7 18 29 10
 A b c d e f g h i K l m n o p q r f t

Romæ, in cœmeterium Prætextati, beatissimorum martyrum ¹²
 Nerei, & Archillei. Ii germani fratres, ab Sancto Apostolorum
 Principe, Petro baptizati, ad Pontiam insulam una cum Flauia Do-
 micilla, quam ad CHRISTVM conuerterant, propter CHRIS-
 TI fidem in exiliũ pulsi, primo Aureliani, Domicillæ sponsi, iussu
 acerbissime uerberati, post in custodiam Moninio Ruffo consulari
 traditi, cum præcise fidenterque negarent, se adduci posse, aut cogi,
 ut dæmonum sacra uenerentur, equuleo torti, & candentibus la-
 minis cruciati, securi percussi sunt. Romæ item, uia Aurelia, Sancti
 Pancratii martyr; qui quattuordecim annos natus, uirili uirtute,
 præstantique Christiana fide, de Diocletiani tyranni, & dæmonum
 immanitate, datis fortiter ceruicibus triumphauit. Cuius sacrum
 corpus Octauilla, primaria fœmina, noctu clam sublatum, religio
 se sepeliendum curauit. Argyræ in Sicilia, Sancti Philippi presby-
 teri. Is ab Apostolorum Principe, beato Petro Euangelii causa ad
 eam insulam missus, Deo iuuante, perfecit, ut magna illius pars;
 abiecta impietate, CHRISTI Domini fidem amplecteretur.
 Denique ex hoc sæculo migravit Argyræ: ubi templum eius nomi-
 ne constructum est, miraculorum frequentia, atque hominum
 concursu celeberrimum. In Græcia, Sancti Parmenæ: de quo
 supra decimo calendas Februarii. Cyrenæ in Cypro, Sancti
 Theodori Episcopi, & confessoris. Hic, Licinio Rege, fidei
 hoste, comprehensus, bubulis neruis cæditur, post lorica ignita
 indutus, in custodia traditur: unde, sedata persecutionum tem-
 pestate ex Constantini, pii Cæsaris, decreto liberatus, duo-
 bus post annis obdormiuit in Domino. Salaminæ in Cypro, San-
 cti Epiphani Episcopi: qui exigua humilique tunica, plebeio pane,
 & potu aquæ contentus, ut carnis uim reprimeret, religiose uixit:

N 4

multi-

multiplici autem eruditione & sacrarum in primis litterarum sciētia excellens, Hæbraice præterea, Chaldaice que ualde doctus, & rerum ecclesiasticarum antiquitatis usu litterate peritus, contra hæreses libros plurimos conscripsit. qua doctrinæ laude, & sanctimonia, quæ in rerum, diuine gestarum, admirabilitate, eluxit, clarus pro catholica fide multis exantlatis laboribus, ad pramium abiit in cœlum. Treueris, Sancti Modoaldi Episcopi, & confessoris: cuius & uita sanctissime acta, & diuinę res, atque admirandæ leguntur.

G.

Tertio idus Maij. Luna.

23 4 15 26 7 18 29 10 21 2 13 24 5 16 27 8 19 30 11
A b c d e f g h i k l m n o p q r s t

13

R Omæ, Dedicatio Sanctæ Mariæ ad martyres. cum pantheon, templum Cybeli, deorum matri, a gentibus dicatum, Bonifacius Quartus, Pontifex maximus, ad CHRISTI Redemptoris cultum transtulit. Bizantii, beati martyris, Mutii presbyteri: qui Amphipoli primum pro fide multis cruciatus suppliciis, post Constantinopolim ductus, martyrium egregie obiit, capitis damnatus. Traiecti, Sancti Seruatii Episcopi. Is ab urbe Hierosolyma, Angelo duce, Tungrim profectus, illius ciuitatis Episcopus mirabiliter, ac diuinitus declaratus est. Euphratem Arianum, dignitate Episcopali mulctatum, publica etiam pœnitentia affecit: ac multa præterea pie, mirificeque egit, magna diuinæ uirtutis significatione. In Græcia, Sancti Alexandri martyris: qui Maximiano Imperatore, cum tot tamque grauias supplicia exhausisset, præclarus uictor, & testis pietatis, demum, præciso capite, palmam accepit. In Monte Sina, Inuentio corporis beatæ Catharinæ uirginis, & martyris: quod diu occultū, sanctissimæ Dei genitricis MARIÆ admonitu monachis, eius montis incolis, diuine patefactū est. Rauennæ, S. Hilarii monachi: qui pene a pueritia ad uicū Galigatam Rauēnatis diocesis in præcellsum atque editum montē se abdidit: ubi die noctuque

Etque in Dei laudibus, & in contemplatione rerum diuinarum uiram egit: qua sanctissime acta, multisque eius exemplo, atque hor-
tatu ad religionem conuersis, iisque uiris nobilibus, ac plurimis edi-
tis miraculis, clarissimus, annos natus octuaginta duos, abiit in cœ-
lum. Mediolani, Sancti Natalis Episcopi, & confessoris. Duaci apud
Suessiones, Sancti Onesimi Episcopi, & confessoris: ad cuius sepul-
crum ob illius merita elucescit in miraculis quam plurimis uis di-
uina. Nouocomi, Translatio sanctorum martyrum, Proti, & Hia-
cynthi. Antisiodori, Sancti Marcelliani Episcopi, & con-
fessoris.

Pridie idus Maij.

Luna.

A.

xvi

24 5 16 27 8 19 30 11 22 3 14 25 6 17 28 9 20 1 12
A b c d e f g h i K l m n o p q r s t

Romæ, via Latina, Sancti Bonifacii martyris: qui intempe-
rantia pœnitens, quam cum Agle, nobili muliere, admiserat, 14
se ad conquirenda, & sepelienda martyrum corpora contulit. quo in
officio pietatis, cum permultos ad martyrium Tharsis animaret, eo
nomine compræhensus, terreis unguis primum excarnificatus, tum
aliis grauissimis pœnis affectus, mox in ollam feruentis picis, capi-
te demisso, coniectus; inde inuiolatus, diuina ope, cum exisset, tan-
dem gladio percussus, ad martyrii palmam commigrauit in cœlum.
Romæ itē, beatorū martyrum, Victoris, Quarti & Isidori. In Syria Sā-
ctorum martyrum, Victoris, & Coronæ. Ille, Antonino Imperatore,
Sebastiani præsidis iussu in caminum ignis iniectus, in quo tribus ip-
sis diebus fuit, non læsus tamen; veneno epoto, non necatus; tum
oleo feruenti in pudendis cruciatus; facibus præterea accensis, vtri-
que lateri admotis, aliisque inauditis suppliciis diuexatus; postre-
mo, oculis erutis, gladio percussus, CHRISTI martyr effectus
est. quem Corona, cuiusdam militis vxor, cum beatum prædicaret;
duas coronas vidit e cœlo delapsas: quarum unam Victori, alteram
sibi missam esse affirmabat. idque cunctis audientibus cum palam
diceret, eiusdem præsidis iussu, in duas partes scissa, perennis victo-
riæ

riæ triumphum ipsa quoque consecuta est. In Gallia, Sancti Pontii Episcopi, & martyris. Hic, a beato Pontiano, Pontifice, Romæ baptizatus, Marcum patrem, idola colentem, tum Philippos duos, Cæsares, patrem, & filium, ad CHRISTI fidem perduxit. Deinde in Galliam Euangelii causa profectus, Claudii præsidis iussu in carcerem truditur, Valeriano, & Galieno, Imperatoribus, nominis Christiani hostibus. cum autem in tuenda religione se constantem præberet; equuleo torquetur; post urfis exponitur; tum igne circumiecto, ut cremaretur, pars summa amphitheatri comburitur. e flammis igitur, e ferarumque facibus mirabiliter ereptus, demum, capite percussio, martyrii præclari cursum conficit. In insula Chio, Sancti Isidori martyris: qui in persecutione Deciana, Numerio Tribuno iubente, pro fidei confessione, a qua abduci nullo modo potuit, capite percussus. Hoc ipso die, Sancti Maximi martyris. Is cum libere palamque CHRISTI salutare nomen, cœlestique regnum prædicasset; & permultos a superstitione ad veram religionem reuocasset; variis tortus cruciamentis, denique lapidibus cæsus, coronatur. In Thracia Sancti Barbari martyris: qui, multiplici, varioque martyrii certamine nobilitatus, Iuliano Imperatore, acerbissimo nominis Christiani aduersario, coronatur. Mediolani, Translatio Sancti Victoris martyris: quæ a beato Materno illius ciuitatis Episcopo, sex post illius necem diebus, ab Imperatoris hortis, ad Ecclesiam, eius nomine dicatam, facta est. Aquileiæ, beatorum martyrum, Felicis, & Fortunati: de quibus tertio idus Iunii. In Aegypto, Sancti Pachomii Abbatis: qui in ea prouincia cœnobita instituit, monachalis vitæ regulas diuinitus scripsit; Apostoliceque factorum laude illustris, & dignus admiratione, obiit in Domino. Ferentini, Sancti Bonifacii Episcopi: cuius iam inde ab ineunte ætate sanctimonia splendebat, rebus a se pie mirabiliterque gestis: quas multas beatus Gregorius, Pontifex, ad posteritatem litteris prodidit.

Idibus Maij. Luna.

B.vii.

25 6 17 28 9 20 1 12 23 4 15 26 7 18 29 10 21 2 13
 A b c d e f g h i k l m n o p q r s t

IN Hispania, sanctorum confessorū, Cecilii, Indalentii, Euphrasii,
 Secundi, Torquati, Hesychie, Cresiphontis, Athanasii, & Theodori.
 E quibus Cęcilius, beati Iacobi Apostoli discipulus, ab Apostolorum
 Principe, Petro, Episcopus consecratus, Eliberitanę ecclesię
 pręfuit. Reliqui item, vbi ex vrbe Hierosolyma in Hispaniam eiusdem
 Sancti Iacobi, quem Herodes Agrippa necarat, corpus asportarunt,
 inde Romam profecti, Episcopique ab eodem facti ad Hispaniam,
 gentium superstitionibus implicitam, mittuntur: vbi Indalenti-
 us Vergitanę, Torquatus Accitanę, Hesychius Cathesianę, Secun-
 dus Abylanę, Ctesiphon Almerianę, Euphrasius Eliturgensis ciui-
 tatis episcopatu pręfectus, e tenebris ingentem multitudinem, pro
 sua quisque regione, ad aspiciendam Euangelii lucem reuocauit. ab
 illis item duobus, Athanasio, & Theodoro, qui ex Hispania nunquā
 discefferant, in multas illius prouincię partes Christianę religionis
 disciplina propagata est. Lampfaci, beatorum martyrum, Petri, An-
 dreę, Pauli, & Dionysię. qui, Decio Imperatore, ardenti fide incensi
 in omni cruciatu CHRISTI Domini religionem non timide, non
 titubanter, sed libere asseueranterque testificati, una animorum cō-
 sensione, pro testimonio, quod perhibuerunt, martyrii corona donā-
 tur. Aruernis, sanctorum martyrum, Casii, Victorini, Maximi, & so-
 ciorum: quorum res pię, fortiterque gestas, ac pręclaras pro religio-
 ne concertationes, beatus Prędictus Episcopus litterarum monimē-
 tis consignauit. Ghela in Barbantia, Sanctę Dympnę uirginis, &
 martyris. Hęc, filia Regis Hybernię, a Christianę fidei disciplina
 profus alieni, & pro fide, & pro uirginitate, quam CHRISTO spon-
 so dicatam, integram conseruare contendit, a patre necata, duplici
 corona donatur. Patauii, Translatio Sancti Danielis diaconi, & mar-
 tyris.

Decimo

Decimo septimo Calendas Iunij. Luna.

26 7 18 29 10 21 2 13 24 5 16 27 8 19 30 11 22 3 14
 A b c d e f g h i k l m n o p q r s t

16 **A**Ntistodori, Sãcti Peregrini Episcopi, & martyris. Hic ciuis Romanus, a beato Xysto Pontifice, Euangelii causa in Galliam missus, Antistodorensum Episcopus consecratus, ecclesia sibi commissa, duodecim annis sancte administrata, pro fide, cuius ardens studium & assiduo hortatu, & exemplo excitauit; Traiano Imperatore necatus, coronatur. Sanctorũ item martyrum, Marsonis presbyteri, Concordii diaconi, Iouiniani subdiaconi, Ianuarii lectoris: qui una cum beato Peregrino Episcopo, superatis Christi confessione aduersariis, diuinę uictorię præmium tulerunt. In Isauria, beatorum martyrum, Aquilini, Victorini, Heraclii, & Paulini: quorum dimicationes pro gloria CHRISTI susceptę, & res diuinitus fortiterque gestę, leguntur. Carnuti in Gallia, Sancti Emanii martyris. Hic ciuis Carnutensis, pro fide catholica ab Arianis contrucidatus est: ad cuius sepulcrum pro pietatis suę, quam profuso sanguine testificatus est, meritis, magnus elucet miraculorum splendor. Eugubii in Italia, Sancti Vbaldi Episcopi, & confessoris; admiranda patientia uiri, eximiaque sanctimonia, & miraculorum gloria clarissimi. Sirmii, Sancti Timothei, & sanctarum virginum septem. In Sardinia, sanctorum, Simplicii, presbyteri, Diocletiani, Florentii, & Rosule item. Treccis, Sancti Fidoli Episcopi, & confessoris. In Scotia, Sancti Brandani Abbatis. Hic, egregia uir pietate, & innocentia, in religiosa uita usque adeo cœlestibus uirtutibus floruit, ut res eius admirandę, & uir diuina confectę, magna cum sanctitatis suę significatione, narrentur. Apud Cenomanos, Sancti Domnioli Episcopi, & confessoris. Is peregrinationis causa, Romam ad limina Apostolorum profectus, inde rediens, mortuo illius ciuitatis Episcopo Innocentio, ad Episcopatum uocatus, cœlesti disciplinę se totum addixit. qua, omni episcopali munere perfunctus, & miraculis etiam clarus ad cœlum abiit: cuius, dum in terris esset, se cupidissimum castissima religio-

ne,

ne, summaque sanctarum uirtutum exercitatione præbuit. In Pago foroiulienfi, Sanctæ Maximæ uirginis : quæ multis florens uirtutibus, quieuit in Domino. Ambiani in Gallia, Sancti Honorati Episcopi : doctrinæ, & summarum uirtutum, cælestium que gloria celebris.

Decimo sexto Calendas Iunij. Luna.

D.

XV.

27 8 19 30 11 22 3 14 25 6 17 28 9 20 1 12 23 4 15
 A b c d e f g h i k l m n o p q r s t

P Ifis in Thufcia, Sancti Torpetis : cuius dies natalis tertio calendas Maii; hoc autem die Translatio, quæ in Hispaniam admirabiliter eo ipso anno, quo martyrium obiit, facta est, celebratur. Nueduni, beatorum martyrum, Heradii, Pauli, Aquilini, Victoris, Primi, Liberii, & Peregrini. Alexandria, Sanctorum Adrionis, Victoris, & Basillæ. In Hispania, Sanctæ Celerinæ : quæ, illius prouinciæ regina, studio inflâmata Christianæ religionis, cum alia pie egit, tum regiis opibus templum, mirifico opere exædificatum, beati Torpetis martyris nomine Deo dicatum, perpetuum suæ pietatis monumentum reliquit. Papiæ; Translatio Sancti Syri Episcopi: in cuius celebritate, diuina uis eluxit, quam plurimis editis miraculis. Herbi-poli, Sancti Brunonis Episcopi, & confessoris. Hic, in familia clarissima natus, diuinis excultus muneribus, illius ciuitatis Episcopus factus, omne patrimonium in ecclesiarum vsum, atque ornatum contulit: Sancti Chilianii ecclesiam magnificentissima ædificatione construxit, atque illustrauit: & amplo item prædio auxit. In omni denique genere uirtutis uigilans, uitaque & moribus cum CHRISTI disciplina congruens, tum studio, tum exemplo, Herbipolensium ciuium mentes ad hereditatem patriæ cælestis accendit. Aquile in Aprutio, Translatio Sancti Bernardini confessoris : quæ solenni cærimonia, frequentissima fidelium multitudine, religiose celebrata est.

Decimo

III. E. Decimo quinto Calendas Iunij. Luna.

28 9 20 1 12 23 4 15 26 7 18 29 10 21 2 13 24 5 16
A b c d e f g h i k l m n o p q r s t

18 I N Pannonia, Sancti Andronici Episcopi. Hic vnus e septuaginta
discipulis Domini nostri, I E S V C H R I S T I, cuius in ea, quae
ad Romanos scripta est, epistola, beatus Apostolus Paulus meminit,
Pannoniae primus Episcopus, coelestis magistri praecipis conforma-
tus, episcopalis vigilantiae laboribus in Euangelii propagatione, in
aliorumq; salute procuranda perfunctus, dormiuit in Domino. Ca-
merini, Sancti Venantii Episcopi, & martyris: qui, graui per Deciam
Caesarem conflata persecutione, cum caeleste C H R I S T I regnum
agendo, tum docendo praedicaret, eo nomine comprehensus; post
verberibus, vinculis, igne cruciatus; tum leonibus obiectus, nec ve-
ro ab iis quicquam laesus; tandem abscisso capite, spiritum Deo red-
didit. In Graecia, beatorum martyrum Agapii, Timolai, Romuli, Ple-
sii, & sociorum quattuor. fuit Agapius, cuius Gazensis, Timolaus Pro-
peticus, Plesius Aegyptius, & Romulus subdiaconus ecclesiae Diospo-
litanae. reliqui quattuor, duo Alexandri nomine, viri Aegyptii, alii
duo Dionysii, Phoenicii, municipes Tripolitani. Ii omnes, in acerbi-
sima illa Diocletiani persecutione, pietatem Christianam libere
professi, ad Urbanum, Caesareae praefectum perducuntur: qui cognita
martyrum constantia, capite eos plecti iussit. In Aegypto, Sancti
Dioscori Lectoris. Is, in eadem Diocletiniana persecutione, Praesi-
disu sse variis primum tormentis, iisq; teterrimis affectus, tandem
laminis candentibus adustus, coelesti constantia, martyrii cursum co-
fecit. Spoleti, Sancti Felicis Episcopi, & martyris. Hic, Maximiano
Imperatore, C H R I S T I disciplina imbutus, cui se totum dede-
rat, episcopali virtute dum in eam curam incumbit, vt fidei Christia-
nae mysteria populo commisso explicaret, eundemq; ab impura super-
stitione deduceret; Tarquinii praefecti mandato, in carcerem detrusus, vbi
diuinis vocibus ad martyrii mirabiliter confirmatus est; admirabili
tolerantia supatis cruciametis, animoq; gaudenti datis ceruicibus, ob

omissis

testimo-

testimonium, quod uerbo Dei perhibuit, egregie coronatur. Alexandria, beatorum martyrum, Potamionis, Hortasii, & sociorum. Vspalii in Suetia, Sancti Henrici Regis, & martyris.

Decimo quarto Calendas Iunij. Luna.

F.

29 10 21 2 13 24 5 16 27 8 19 30 11 22 3 14 25 6 17
A b c d e f g h i k l m n o p q r s t

Romæ, Sanctæ Potentianæ virginis. Hæc virgo Romana, parentibus orbata, admiranda pietate Christianam religionem colēs, vna cum Praxede sorore, eos, qui in egestate versabantur, plena manu subleuauit, data in eleemosinam pecunia, quam patrimonio vendito, exegerat; seq; CHRISTI disciplinæ penitus dedit. Eius opera sex, & nonaginta homines familiæ suæ a Pio Pontifice baptizati sunt. In multis denique Christianæ & pietatis, & liberalitatis officiis exercitata virgo, migravit ad Dominum. Romæ item Sancti Pudentis, earum virginum Praxedis, & Potentianæ patris; Christianæ fidei sacris a beato Paulo Apostolo imbuti. Romæ præterea, sanctorum martyrum, Calocerii, & Parthemii: quorum alter, cubiculo Decii Cæsaris præfectus, alter notariorum primicerius, ab idolorū detestabili cultu vterque valde omnino abhorrens, ab eodem necatus est. Prusæ, Sancti Patricii Episcopi, & martyris, ac sociorū. Alexandria, in Aegypto, Sancti Ioannis martyris: qui, Maximiano Imperatore, acerbis exhaustis cruciamentis, præclaro pietatis testimonio, coronam tulit. Cornuti, Sancti Desiderii Episcopi & martyris: qui, in persecutione Vandalica, post præclaras fidei catholicæ confessiones, coronatur. Hoc ipso die, Sancti Petri Cælestini, confessoris. Hic pontificatu se abdicauit, vt in solitudine religiose viueret: cuius sanctimonia cognita, multis etiam miraculis diuinitus testificata, Clemēs Quintus, Pontifex Maximus, illum in sanctos retulit. In Britannia minori, Sancti Iuonis præbyteri, & confessoris. qui, inflammatus studio charitatis erga CHRISTVM Dominum, ferre opem miseris, prebere per fugiū afflictis, patrocínio, ac beneficiis iuuare egētes nō destitit. Cuius vita, sanctissime acta, ac rebus pie, diuineq; gestis, peruulgatis.

peruulgatis, & cognitis, Clemens sextus, Pontifex Maximus, illum in sanctorum numero adscripsit. Treueris, Sancti Cyrilli Episcopi, & confessoris. Cantuariæ in Anglia, Sancti Dunstani Episcopi, & confessoris, magna religione, pietate, & miraculorum gloria clari.

G. xii

Decimo tertio Calendas Iunij. Luna.

30 11 22 3 14 25 6 17 28 9 20 1 12 23 4 15 26 7 18
A b c d e f g h i k l m n o p q r s t

20 **R**omæ, via Salaria, Sanctæ Basillæ virginis, & martyris. Hæc, regio genere nata, nobilissimo adolescenti desponsa, ab eodem Christianæ religionis accusata, Gallieni Cæsaris iussu ad id compellitur, vt vel sponsum acciperet, vel gladio interiret, at vero fidenter cum affirmaret, se sponsum habere **I E S V M C H R I S T V M**; ac nolle se alii nuptum dare, gladio transuerberata est. Carnuti in Gallia, beatorum martyrum, Donatiani, & Rogatiani: qui, Diocletiano, & Maximiano, Imperatoribus, in **C H R I S T I** stadio luctati, vt fortissimi Dei milites, strenue, viriliterque pugna confecta, coronantur. In Græcia, Sancti Thallalei martyris. Hic, Numeriano Cæsare, Theodori præsidis iussu, horrenda cruciamenta perpeffus, cum a fidei proposito deduci non posset, demum securi percussus est. Nemausi in Gallia, Sancti Baudelii martyris: qui sacra diis cum facere nolleret, ab idolorum cultoribus comprehensus, verberibus, & suppliciiis varie affectus, in **C H R I S T I** religione perpetuo constans, martyrii palmam præclara morte affecutus est. Brixia, Sænti Anastasii Episcopi, & confessoris. Is summa uir religione, incensus studio propagandi Euangelii, cum ciues suos **C H R I S T I** disciplinam erudiuit; tum, peragrata Africa, verbum salutis, & sermonibus, & rebus diuine gestis, vbique disseminauit. Apud Bituricas, Sancti Austregesilli Episcopi: cuius & uita, cum Euangelii præceptis congruens, & diuinitus facta publicis ecclesiæ Carnutensis monimentis consignata, leguntur. Papiæ, Sancti Theodori Episcopi, & confessoris: qui doctrina præstanti, egregia pietate, diuinaque & admiranda virtute cum ecclesiam Papiensem quindecim annis gessisset, vitæ, sanctissime actæ, & mirabiliter

biliter factorum gloria clarus cœlestem in patriam abiit. Eius sacrum corpus, Leone Tertio, Pontifice Maximo, præsentem, honorifice, ac religiose sepultum est in ecclesia, suo nomine dicata. Apud Treueros, Sancti Maximi Episcopi, & confessoris. Hic magna eruditione, & eximia religione uir, ecclesias, iam inde ab Apostolorum fere temporibus, in Treuerensium finibus exædificatus, gentium barbararum incursionibus disturbatas, pie, magnificeque instaurauit; Arianorum semen, quod in Germania serperat, rescidit; Synodo Agrippinensi interfuit; in qua egregiam tum doctrinam, tum uirtutem ostendit. sanctissimi igitur episcopi muneribus omnibus perfunctus, quieuit in Domino. Hoc ipso die Sancti Bernardini confessoris: qui & prædicatione, & uitæ religiose splendore omnem Italiam illustrauit; huius prouinciæ factiones magna ex parte diuine extinxit; hominibus pie uiuendi uiam ostendit. Cuius sanctitate, omnique uitæ actione religiosa cognita, Nicolaus Quintus, Pontifex Maximus, illum in Sanctorum numerum retulit.

Duodecimo Calendas Iunij. Luna.

A: 1.

1 12 23 4 15 26 7 18 29 10 21 2 13 24 5 16 27 8 19
 A b c d e f g h i k l m n o p q r s t

IN Mauritania Cæsariensi, beatorum martyrum, Timothei, Pol- 21
 lii, & Eutichii diaconi, qui dum ea in regione cœleste Euangelii semen disseminare contendunt, martyrio coronantur, Diocletiano Cæsare, rem Christianam infense oppugnante. Cordubæ, Sancti Secundini: qui per uarias certaminum uices, superata aduersarii nequitia, demum palmam tulit. Cæsareæ in Cappadocia, Sanctorum martyrum, Polyucti, Victorii, & Donati. In Corsica, Sanctæ Iuliæ martyris. Hæc pro CHRIS TI nomine in crucem acta, præclaris pietatis officiis, egregioque certamine nobilis, corona cœlesti donatur. Sancti item Valentis Ep̄i, & martyris; ac trium puerorū. Hoc ipso die, Sanctorū, Genesii, & Theopōtii: qui diuina uirtute roborati,
 O in oppu-

in oppugnatione Diocletianiāna pro CHRISTO fortiter dimi-
cantes, profligatis aduersariis, ad coronam abeunt in cœlum. Ni-
cæ in Gallia, Sancti Hospitii confessoris. Hic, CHRISTI disci-
plinæ omnino deditus, cum aliis virtutibus, tum incredibili absti-
nentiā, prophetiæque spiritu florens, res magnas mirifice egit; qui-
bus Deus eius sanctitatem testatissimam esse voluit. Aræ in Belgi-
Sanctæ Itisbergæ virginis, cœlestium uirtutum laude clarissima
Bergomi, Translatio sanctorum martyrum, Firmi, & Rustici, ac fan-
cti Proculi Episcopi, & confessoris. Venetiis, Translatio Sancti Pau-
li martyris: cuius sacrum corpus Constantinopoli illuc delatum est
ad ecclesiam Sancti Georgii. Veronæ, Translatio Sancti Zenonis
Episcopi.

B. *Vndecimo Calendas Iunij. Luna.*

2 13 24 5 16 27 8 19 30 11 22 3 14 25 6 17 28 9 30
A b c d e f g h i K l m n o p q r s t

22 **R**omæ, beatissimorum martyrum, Faustini, Timothei, & Venu-
sti. In Africa, Sanctorum, Casti, & Aemylii, martyrum: qui, &
si primo congressu victi, at altera pugna fortiores, beatique Augusti-
ni sermone celebrati, superatis cœlesti virtute flammis, in quas po-
siti sunt, victores coronantur. In Lusitania, Sancti Mancii martyris.
Hic ciuis Romanus, Maximiano Imperatore, pro fide tyrannicis
suppliciis varie affectus, demum neci obiectus, libenti animo mar-
tyrium subiit. In Græcia, Sancti Basilisci martyris: qui multiplici,
egregiaque concertatione nobilis, quam, in eadem Maximiniana
persecutione, fortiter sustinuit; denique, datis pro CHRISTO
Domino ceruicibus, ad præmium euolat in cœlum. Rauennæ, San-
cti Martiani Episcopi. Is natus sublimi loco, vir in primis pie, iu-
ste, ac temperanter uitam degens, a Deo, dimissa columba, Epi-
scopus eligitur. Tanto autem ardore animi in CHRISTI præ-
dicatione exarsit, ut in Rauennatum animis incredibile seu-
dium excitarit omnium uirtutum; multique nullis rerum aduer-
sarum

farum ictibus frangi, neque oppugnationibus nefariorum de gradu pietatis deiici potuerint; sed cruciatus omnes, eandemque necem pro CHRISTO libenter pertulerint. Is vero cum sancte, & admirabiliter factorum gloria clarissimus esset, migravit ad Dominum. Antifiodori, Sanctæ Helenæ virginis, virtutum meritis, & rerum, diuine mirificeque gestarum, splendore illustris. Hoc ipso die, Translatio Sanctæ Helenæ viduæ, Constantini, pii Cæsaris, matris. Veronæ, Sancti Lupicini Episcopi.

Decimo Calendas Iunij. Luna.

C. ix.

3 14 25 6 17 28 9 20 1 12 23 4 15 26 7 18 29 10 21
A b c d e f g h i K l m n o p q r s t

IN Germania, Sancti Victorini Episcopi. Hic Emiternen-
23
sis Episcopus, ab impietatis, impuræque superstitionis cultoribus, pro CHRISTI nomine contrucidatus est. Bergomi, Sancti Proiectii diaconi: qui, Diocletiani, & Maximiani Imperatorum iussu, iniuriosus a fidei aduersariis tractatus, demum in exilium extruditur. In Africa, beatorum martyrum Quintii, Lucii, & Iuliani. Ii, in persecutione Vandalica, pro pietate Catholica susceptis fortiter concertationibus, vt fortissimi Dei milites coronis pro victoria donantur: Apud Lingones, Sancti Desiderii Episcopi: qui, ob gregem, sibi commissum, ceruices libenter præbuit. cum enim a Vandalorum copiis populum suum diripi, ac uehari cerneret; pro eo supplicatum venit; statimque Imperatoris mandato, securi percussus, abiit ad Dominum. Alii multi cum eo in cruciatum dati, martyrium pro pietate, animis gaudentibus, obierunt. In Hispania, Sanctorum, Epitatii Episcopi, & Basilei. Viennæ, Sancti item Desiderii Episcopi, & martyris: qui, Theodorico Rege iubente, lapidibus obrutus, coronatur. Veronæ, Sancti Ammonii Episcopi, & confessoris. Gemblaci in Belgis, Sancti Guiberti confessoris:
O 2 cuius

cuius sanctitatis præclaras significationes Deus miraculis multis dari uoluit.

D. *Nono Calendas Iunij. Luna.*

4 15 26 7 18 29 10 21 2 13 24 5 16 27 8 19 31 11 22
 A b c d e f g h i k l m n o p q r f t

24 **R**omæ, Sancti Anolini martyris. Hic, custodiae præfectus, a beato Urbano Pontifice, ad fidem conuersus, Diocletiano, & Maximiano Imperatoribus, Almachii iussu comprehensus, cum in fidei proposito persisteret, capite plectitur. In portu Romano, Sancti Vincentii martyris. Brixia, Sanctæ Afræ martyris: quæ Adriano Imperatore, & tormēta, & necem insignem egregiis fidei confessionibus sustinuit. Tergesti, Sancti Seruuli martyris. Hic nobili genere natus, a primis annis CHRISTI disciplinæ deditus, annum duodecimum agēs, heremiticæ uitæ genus amplexus, sanctimonia, & miraculis floruit. Cuius fama peruagata, Iulii præsidis iussu, Numeriano Imperatore, in uincula coniectus, ad idolorum superstitionem adigitur: a quo prorsus alienus, primo neruis cæsus, post equuleo tortus, tum unguis excarnificatus, deinde oleo freuēti delibutus, demum iugulatus, in omni cruciatu, atque in nece germanam perpetuæ suæ erga Deum pietatis probationem, diuina, cœlestique uirtute declarauit. Nannete in Gallia, beatorum martyrum, Donatiani, & Rogatiani. Li germani fratres, pro constanti, egregioque fidei testimonio, in carcerem detrusi, post in catasta equulei suspensi, & hasta a milite trāsuerberati, demum gladio percussi, insigniter coronantur. Mediolani, Sancti Robustiani martyris. Apud Histriam, beatorum martyrū, Zoelli, Seruili, Felicis, Siluani, & Dioclis. Bononia, Translatio Sancti Dominici confessoris: quæ Gregorii Noni, Pontificis Maximi, iussu, ab Archiepiscopo Rauennate, religiose celebrata est.

Octavo Calendas Junij. Luna.

E.
xvii

5 16 27 8 19 30 11 22 3 14 25 6 17 28 9 20 1 12 23
A b c d e f g h i k l m n o p q r s t

Romæ, Sancti Urbani Pontificis, & martyris. Hic civis Romanus, Pótiani filius, doctrinâ, uiræque sanctitate præluens, Pontifex renunciatus, multos ad CHRISTI fidem perduxit: in quibus Valerianum, beatæ Cæcilie martyris sponsum, & Tyburium, Valeriani fratrem: qui ambo post constanti fortiq; animo martyrium obierunt. Is vasa sacra, ex argento, auroque confici, adhiberi; ad Dei cultum voluit: prædia, a fidelibus ecclesie oblata, recipi; eorumque censum clericis omnibus viritim distribui sanciuit; Episcopum fieri veruit, nisi primum sacerdotio initiatus esset. Notariis præterea, quos ad res gestas martyrum conquirendas, & ad eas conscribendas Sanctus Clemens primum instituit, mercedem ex ecclesie patrimonio decreuit. Iis atque adeo aliis ad ecclesie amplitudinem sancte constitutis, & ordinationibus quinquies mense Decembri de more habitis, Pontificatus dignitatem omni virtutum studio cum ornaret, sæpe, Aurelio Antonino Imperatore, ex vrbe pulsus, rursus clam à fidelibus reuocatus, dum totus ecclesie propagationi incumberet, comprehensus, in carcerem truditur: vbi situ, & squallore pene confectus, tandem datis pro CHRISTI gloria ceruicibus, coronatur. Romæ item, Sancti Bonifacii Pontificis: qui templum Pantheon, a Marco Agrippa exædificatum, Beatæ MARIÆ Virginis, & martyrum omnium nomine, Deo consecrauit; ibique solennitatem Calendas Nouembris agi instituit: ædes suas, extracto monasterio ad diuini cultus usum transtulit. Pontificatu optime, sanctissimeque administrato, quieuit in Domino. Apud Mysiam, in urbe Dorostoro, Sanctorum martyrum, Pasicratis, Valentionis, & sociorum duorum. Mediolani, Sancti Dionysii Episcopi, & confessoris. Hic excitata hæresis Arianae furoribus persecutione, ut heros inuictus, nunquã destitit pro CHRISTI gloria, proque gregis commisi salute dimicare: cumque in

O 3 perpe-

perpetua catholici studii constantia permaneret; animo mirandum in modum confirmato, in Cappadociam prouinciam relegatus, exilium, omnemque uitæ cruciatum pertulit, summo Christianæ pietatis robore: sicque ibi titulo martyribus propiore spiritum Deo reddidit. Cuius sacrum corpus beatus Basilius Episcopus Mediolanum mitti curauit: illudque Sanctus Ambrosius sacro, & insigni loco recondidit. Florentiæ, Sancti Zenobii Episcopi, & confessoris. Hic ciuis Florentinus, claro genere natus, clara etiam uirtute sacerdos, uerbi Dei disseminator uigilantissimus, idemque hæresis acerrimus oppugnator, quo tempore Arianæ factionis Episcopi conuentum Ariminensem habuerunt, cum omnis pæne Italia uehementer laboraret, nihil non egit tum sermonibus, tum rebus, ut populi Florentini pietatem, & religionem catholicam tueretur. Peruulgata eius uirtutum fama, beatus Ambrosius, Mediolani Episcopus, illius saluandi causa Florentiam uenit: & sanctissimus Pontifex Damasus eundem Romam acciuit, indeque Constantinopolim ad hæresim, in Orientis partibus excitatam, restinguendam legatum misit. Qua legatione optime perfunctus, ubi primum reuersus est ab eodem Pontifice, Episcopus Florentiæ consecratus, multis uigiliis, assiduis orationibus, priuatis lectionibus, confessionibus, conciliis, prædicationibus, ac publicis contra hæreticos disputationibus deditus, episcopalis officii partes omni sanctitate expleuit: multis item miraculis clarus, quieuit in Domino. In finibus Treassinorum, Sancti Leonis confessoris Venetiis, Translatio Sancti Stephani martyris: cum illius reliquiæ e Constantinopoli ad eam urbem asportatæ sunt in ecclesiam Sancti Georgii. Assisii, Translatio Sancti Francisci: quæ magna illius ciuitatis celebritate, religiose & pie acta est.

Septimo Calendas Iunij. Luna.

F. XL

6 17 18 9 20 1 12 23 4 15 26 7 18 29 10 21 2 13 24
 A b c d e f g h i K l m n o p q r s t

Romæ, Sancti Eleutherii Pontificis. Is, municeps Nicopoli- 26
 tanus, Aniceti Pontificis diaconus, Pontifex creatus, Bri-
 tanniam insulam, Lucii Regis rogatu; per Fugatium, & Damia-
 num legatos, fidei sacris instituit: religionem Christianam latius
 in omnes partes propagandam, curauit; Romæ præsertim per-
 multos uiros nobiles ab impuris superstitionibus ad castissimum
 Dei cultum perduxit: Christianam disciplinam, ab Apostolis
 traditam, suis etiam decretis communiuit: multa tum de eccle-
 siarum priuilegiis, tum de clericis, ac de iudiciis item statuit, epi-
 stola decretali ad Galliæ Episcopos exarata. Sancte igitur, atque
 utiliter ecclesia Dei, quindecim annis & amplius administrata,
 beatus Pontifex ad præmium migravit in cœlum. Romæ item,
 beatorum martyrum, Simitrii presbyteri, & sociorum uiginti
 duo: quos, Antonini Cæsaris iussu, pro CHRISTI fide iugu-
 latus, beata Praxedes uirgo in sepulturam tradidit. Athenis,
 Sancti Quadrati, Apostolorum discipuli. Hic, maximis per Ha-
 drianum Cæsarem concitatis persecutionum procellis, illum com-
 pellat, & quam pro Christianæ religionis defensione apologiam
 propterea contexerat, quod nonnulli nequam, & perditu homi-
 nes fidelibus molestiam faceffere conarentur, ei offert, plenam il-
 lam quidem fidei luminibus, Apostolicaque doctrina dignam. Eo
 autem Euangelii causa missus, multis annis prædicationis mune-
 re functus, sancte quieuit in Domino. Constantinopoli, Sancti
 Carpi: de quo ad tertium Octobris. In finibus Antisiodorensium,
 Sancti Prisci, & sociorum plurimorum martyrum: qui Aurelia-
 no Imperatore, coronati sunt. In Africa Sancti item, Quadra-
 ti martyris: cuius res fortiter, diuineque gestæ, ac susceptæ pro glo-
 ria

ria CHRISTI concertationes, beati Augustini Episcopi concionibus, hoc illius die natali, in maxima populi frequentia; celebrate sunt. Tuderti, beatorum martyrum, Felicissimi, Heraclii, & Paulini. Viennæ, Sancti Zachariæ, qui secundus extitit illius urbis Episcopus. In Britannia, Sancti Augustini Episcopi. Hic, ab Sancto Gregorio Pontifice ad eam insulam missus, Evangelium ibi propagavit: miraculis autem plurimis, in quibus admodum eius sanctitas eluxit, præclarus, obdormiuit in Domino.

G.

Sexto Calendas Iunij. Luna.

7 18 29 10 21 2 13 24 5 16 27 8 19 30 11 22 3 14 25
 A b c d e f g h i k l m n o p q r s t

27

Romæ, Sancti Ioannis Pontificis. Is in Tuscia natus, a Gelasio Pontifice Cardinalis factus, Hormisda mortuo, Pontifex creatur. quod munus annis duobus, & mensibus octo summo pontificalium uirtutum splendore gessit: beatorum martyrum Nerei, & Archilei cœmeterium, olim inchoatum, absoluit: illud Priscillæ pene dirutum, restituit, uasa multa, auro, argento confecta, basilicis Apostolorum dono dedit: Sancti Pauli facellum gemmis ornauit: Constantinopolim, ubi populus omnis obuiam ei ab urbe procul cum sacra pompa processit, Iustinusque Cæsar ad illius pedes se abiecit, fidei causa profectus, cum eo multa salutariter egit, tum illud in primis, ut Arianis expulsis, templa Sanctæ pietatis cultoribus redderentur. Quam rem impotenti iniquoque animo ferens, Theodericus Italiæ Rex, Arianæ impietatis studiosus, dolo ad se accersitum Pontificem, in carcerem includit: ubi squallore, inediaque confectus, migravit ad Dominum, miraculis, uitæque sanctissimæ exemplis clarus. Romæ præterea beatorum martyrum, Aquilini, Eliæ, Quinti, & Restituti. Ad urbem Dorostorum in Mysia, Sancti Iulii martyris. Hic in Alexandri Imperatoris persecutione cum miles veteranus esset,

esset, ab Maximi præsidis ministris comprehensus, eo præsentem
idolorum cultum detestans, in CHRISTI fide constantissimus, capi
ris damnatus, vna cum Esicio milite item, martyrium fortiter su
biit. In Græcia, Sancti Elladii martyris: cuius illustre certamen exti
tit multis cruciatibus, quos præclaris fidei confessionibus constan
ter subiit. Arausicæ in Gallia, Sancti Eutropii Episcopi: cuius vitam
institutionis Euangelicæ præceptis mirifice excultam, & virtutum
rerumq; admirabilium laude insignem, Verus, illius vrbis Episco
pus, diserte conscripsit. In finibus Atrebatensium, Sancti Ranulphi
martyris. Anconæ, Sancti Limberti confessoris.

Quinto Calendas Iunij. Luna.

A.
xiiii.

8 19 30 11 22 3 14 25 6 17 28 9 20 1 12 23 4 15 26
A b c d e f g h i k l m n o p q r s t

CArnoti in Gallia, Sancti Carauni martyris: qui Domitiano Im
peratore, datis pro CHRISTO ceruicibus, coronatur. In Sardi
nia, Sanctorum, Aemilii, Felicis, Priami, & Luciani, martyrum. Me
diolani, Sancti Senatoris Episcopi: cuius vita in omni Episcopali
virtute admodum eluxit. Melitinæ, Sancti Eutychie Episcopi, & mar
tyris: qui, Gordiano Imperatore, religionis causa supplicii variis
tortus, demum securi percussus, cælestem coronam accepit. Parisiis,
Sancti Germani Episcopi: cuius diuina viuendi ratio, per uniuersum
fere orbem claritate quadam enitens, in rebusque admirandis
spectata, litterarum monumentis a beato Fortunato Episcopo confi
gnata, multiplex cælestium virtutum exemplum præbet.

Quarto Calendas Iunij. Luna.

iii. B

9 20 1 12 23 4 15 26 7 18 29 10 21 2 13 24 5 16 27
A b c d e f g h i k l m n o p q r s t

ROmæ, via Aurelia, Sancti Restituti martyris: via item Tyburti
na, sanctorum germanorum fratrum septem. Iconii in Isauria,
beatorum

beatorum martyrum, Cononis, & filii: qui candenti ferro primum adusti, deinde subiecto igne in craticulam positi: oleo præterea feruenti delibuti; aliisque tormentis grauissime affecti; demum, manibus malleo ligneo confractis, spiritum Deo reddiderunt. In Tridentinorum finibus, sanctorum, Sifinii, Martyris, & Alexandri: qui Mediolani primum ab Sancto Ambrosio, inde a Tridenti Episcopo benigne excepti, ad prædicandumque missi, in persecutione per gentes, a fide alienas, concitata, martyrio coronati sunt. Cæsareæ Sanctæ Theodosiæ virginis, & martyris. Triueris, Sancti Maximini Episcopi: de quo supra. Verong, Sancti Maximi Episcopi, & confessoris.

C. *Tertio Calendas Iunij Luna.*

10 21 2 13 24 5 10 27 8 19 30 11 22 3 14 25 6 17 28
A b c d e f g h i K l m n o p q r s t

30 **R** Omæ, Sancti Felicis Primi Pontificis, & martyris. Is ciuis Romanus, patre Constantino natus, Aureliano Imperatore, pontificatum gessit. Vir fuit iustus, & omni uirtutis laude insignis. Hic statuit, vt Missa supra memorias, & sepulera martyrum celebraretur: vt loco sacro, neque præterea alibi, nisi necessitatis ratio postularet, sacrum fieret: vt Ecclesiam iterum consecrari liceret; si modo nulla alia ratione constaret, illam iam consecratam esse. In cuius Pontificatu, Manes hæreticus, homo Persa, & alii, à Catholica fide dissidentes, introductis opinionum erroribus, cum graue damnum importare conarentur Ecclesiæ Dei, is pietatis studio vehementer accensus, omni alia ratione prouidit, ne quid res ecclesiastica detrimenti pateretur; tum epistola edita, grauissimis rationum monumentis, & sacrarum in primis litterarum auctoritate, coarguit nefarias illorum opiniones. Alteram præterea epistolam ad Galliæ Episcopos scripsit, quæ sane disciplinæ sanctæ præceptis, atque institutis plena est. Cum vero is, mense Decembri, de more habuisset.

habuisset ordinationes duas, & creasset Episcopos quinque, presbyteros nouem, diaconos quinque, multis pro fide, & doctrina Christiana susceptis dimicationibus, tandem martyrio coronatus, ad primum abijt in cœlum. Turribus Sardinia, sanctorum martyrum, Gabini, & Crispoli. Antiochia, sanctorum martyrum Syci, & Palatini: qui multiplici tormentorum genere cruciati, pro CHRISTI salutaris nomine, demum neci obiecti, ardenti fidei studio martyrium obierunt. Apud Tungrenses, Sancti Hucberti Episcopi & confessoris: de quo ad tertium nonas Nouembris.

Pridie Calendas Iunij.

Luna.

D^{xi}.

11 22 3 14 25 6 17 28 9 20 1 12 23 14 15 26 7 18 29
A b c d e f g h i k l m n o p q r f r

Romæ, Sanctæ Petronillæ uirginis, beati Petri Apostoli filia: cuius nuptias cum Flauus Comes vehementer expeteret; ea, sumpto sibi trium dierum spatio ad deliberandum, in oratione, & ieiuniis triduum illud consumpsit. Tertio autem die, ubi Eucharistiam sumpsisset, uirgini, amore diuino flagrati, opem tulit Deus, qui illam ad cœlestes nuptias euocauit. In Græcia, Sancti Hermei martyris, qui, Antonino Imperatore, fidei incredibili ardore accensus, nullis uel exquisitissimis suppliciis, quæ martyri inuri Sebastianus præses iusserat, perterrefactus, demum, capite suspenso, spiritum Deo reddidit. Aquileiæ, beatorum martyrum, Cantii, Cantiani, & Cantianillæ. Ii germani fratres, in Anitia familia nati, Diocletiano, & Maximiano Imperatoribus, ob Christianam fidem cruciamentis uariis affecti, cum in proposito cōstanter peristerent, vna cum Proto Pædagogo, capitis damnati, insignem acceperunt martyrii palmam. Turribus Sardinia, Sancti Crescentiani martyris.

Calen-